

HERRI BATASUNAK ERREFERENTE POLITIKO IZATEN SEGITUKO DUELA IRAGARRI ZUEN ATZOKO EKITALDIAN

Elkarlanerako gonbita berretsi du Mahai Nazional berriak bere lehen agerraldian

Iruñeko Anaitasuna kiroldegia lepo bete zuten atzo Herri Batasunako jarraitzaileek Mahai Nazional berriaren lehen mitina ikusteko. Ekitaldiak espetxeratutako mahaiarekiko elkartasun adierazpenak eta HBren ildo politiko berriaren zehaztapena uztartu zituen. Hainbat erakundetako ordezkariak ere parte hartu zuten ekitaldian.

Juan Kruz Lakasta / Iruñea

HERRI BATASUNAKO Mahai Nazionalako koordinatzaile Joseba Permachek zein bozeramaile Arnaldo Otegik elkarlanerako gonbitea egin zuten atzo Iruñean, indar abertzaleko jarraitzaileek lepo beteriko Anaitasuna kiroldegian. «Ez dago inor soberan. Soilik benetako batasunak eta zabaltasunak emango digu garai-pena. HB erreferente politiko bihurtu behar dugu, erreferente politiko izaten segitu behar du», adierazi zuen Permachek, hitzaldia ezohiko moduan, bertso baten bitartez, hasi eta gero. Ildo beretik, Mahai Nazional berriko koordinatzaileak Telesforo Monzon hitzak ekarri zituen gogora. «Berdin soilik Maltzagarrino badatoz, guk segituko dugu» esan zuen berak, eta arrazoi zuen, adierazi zuen Permachek. HBren bidaikide izan nahi dutenei, baldintza bakarria jarri zien Permachek «errespetua, herri honen eskubideekiko, herri honetako gizon eta emakumeekiko errespetua».

Joseba Permachek zein Arnaldo Otegik, bestalde, nabarmendu zuten Espainiako Gobernuak 23 mahaikide kartzelaratu, ez duela HB zuzendaritza politikorik ez eta proiektu politikorik gabe utzi. Permachek gogora ekarri zuenez, duela 20 urte HB jaio zelararik orduko mahaikideak kartzelaratu zituzten -besteak beste, Txillardegi, Jon Idigoras eta Telesforo Monzon- kartzelaratu zituzten, gero mahaikideak torturatu eta erahil dituzte -Josu Muguruza eta Santi Brouard- eta hala ere «baina hala ere HBk tinko segitzen du, eta segituko du independentzia eta sozialismoa lortu arte».



Herri Batasunak atzo Iruñeko Anaitasunaren eginiko mitina. OSKAR MONTERO

Otegik, Permachek bezala Herri Batasunako militanteek onartu zuten 1998rako ildo politikoari buruzko txosteneko hiru ardatzak -independentzia oinarritu proiektu politiko propioa, eraikuntza nazionala, eta herri-tar batasuna- aipatzeaz gain, kale borrokaren aipamen berezia egin zuen, fiskaltzak Iruñeko hainbat gazteren kontra egin berri dituen zigor eskaera handien kontura. «Ez gaude ados gauza guztiekin, baina gazte horien eta atxilotu zituzten txakurren artean, badakigu norekin gaude, gazteen alboan», esan zuen mahaikide berriak.

Nolanahi ere, Permachek eta Otegik hitzaldiak atzoko miti-

naren amaiera izan ziren. Horren aurretik, hainbat gauza gertatu ziren AURRERA INDEPENDENTZIA ETA SOZIALISMOA LORTU ARTE leloa idatzirik zuen Anaitasunako eszenatokian. Trikitilariak, dantzariak eta txalapartariak ireki zuten ekitaldia. Horien atzetik, hainbat erakunde sozial eta politikoko ordezkariak elkartasuna adierazi zioten Herri Batasunari. Taularen gainean HBri elkartasuna adierazteko hitz egin zuten Jarraiko Ane Lizarralde, Zutikeko Joxe Iriarte Bikila, Batzarreko Patxi Urrutia, Egizane Ederne Andueza eta LAB sindikatuko Rafa Diezek. Guztiok elkarlanerako bideak zabaltzeko prest azaldu ziren. Mitinean parte har-

tu zuten gain, elkartasun mezua igorri zuten EZLNk eta Sinn Feinek.

Agurron artean aipamen berezia merezi du, berezitasunagatik, Bikilak egindako agurrak. Haste-ko, bertsoa bota zuen, eta amaitzeko, «torero zaharrari»-Jon Idigoras- agur hunkigarria egin zion. Bi ateraldi horien artean, Bikilak. Nolanahi ere, ez zen Zutikeko buruarena bitxikeria bakarria izan. Ohiko dantzariak, txalapartariak eta trikitilariak ezezik, jotoerok ere parte hartu

zuten atzoko ekitaldian, eta haiek, hain zuzen ere, egin zuten Mahai Nazional berriaren aurkezpena.

Gaueko une hunkigarriena, zalantzarik gabe, Roberto Sam-pedro Pitote eta Eugenio Aranburu Txo hildako mahaikide ohiei egin zieten omenaldia izan zen. Haien senideek haien argazkiak atera zituzten eszenatokira, eta dantzari batek aureskua dantzatu zuen. Horren aurretik, mahaikide presoek omenaldia egin zieten.

Floren Aoiz ere hizlari

ESPETXERATURIKO Mahai Nazionalako bozeramaile Floren Aoiz Iruñeko espetxean grabatu hitzaldia entzun ahal izan zen atzoko ekitaldian. Horren bitartez, Aoizek Euskal Herriak duen gatazkari konponbideak bilatzeko gonbita egin zion Espainiako Gobernuari, eta, halaber, haren errepresioaren aldeko jarrera gogor salatu zuen.

Aoizek adierazi zuenez, Mahai Nazionala euskal herritarrei ahotsa

eman nahi izateagatik dago preso. «Euskal Herriak aukera guztien artean aukeratzeko ahalmena izan behar du, eta erabakitakoa errespetatu behar da. Horixe da Alternatiba Demokratikoaren mamia: Euskal Herriaren geroa euskaldunen esku. Hori defendatzeagatik gaude preso», azaldu zuen.

Aoizen arabera, Espainiako Gobernuak errepresioa areagotuz egin dio aurre HBren planteamendu horri.

Halaber, HB buru espetxeratutak salatu zuen Espainiako Barne ministro Mayor Orejak behin eta berriz uko egin diola errepresioaz landara konponbideak bilatzeari azken hilabeteotan egin adierazpene-tan. Horrenbestez, Tafallako mahaikidearen aburuz, «argi dago nork nahi duen demokrazia eta bakea, eta nork nahi duen gaurko egoeran jarraitzea». «Hala ere, HBk konponbideak bilatzera gonbidatzen ditu,

bakea nahi duelako, askatasuna nahi duela-ko, bakea nahi duelako».

Konponbideak bilatzeko gonbitez landara, Aoizek esan zuen Espainiako Gobernuak porrot egin duela, Mahai Nazionala kartzelaratu HB ito nahi bazuen. «Hori uste bazuten, erromatar hauek zoraturik daude», adierazi zuen. «Ezin izan dugu orain arte egin genuena egin, baina beste batzuek egiten dute, eta guk baino hobeto gainera». X



Donostiako Udala
Ayuntamiento de San Sebastián

HURRENGO ASTEARTEAN URA EZ DA EDATEKO ONA IZANGO GROSEN ETA EGIAKO ZEIN ATEGORRIETAKO BEHEKO ALDEETAN

Mons-eko depositua funtzionamenduan jarri behar dela-eta, gomendatzen da urik ez edateko Añarbeko Mankomunitateak analisi bakteriologikoak egin arte.

Donostiako Udaleko Ur eta Osasun zerbitzuek gomendatzen dute urik ez edateko hurrengo asteartean, gutxi gorabehera goizeko 9:00etatik aurrera, Grosen eta Egiako zein Ategorrietako beheko aldeetan, harik eta Añarbeko Ur Mankomunitateak analisi bakteriologikoak egin eta ura edan daitekeen edo ez jakinarazi arte.

Gomendioa egiteko arrazoiak da ezingo dela edateko ur egokirik hornitu, martxan jartzeko baina Mons-eko depositu berria, zein Añarbeko Ur Mankomunitatearen mende dagoen. Horrela, urak beste ibilbide bat egingo du; izan ere, orain arte Amarako depositutik zetorren. Horregatik, likidoak zenbait sedimentu eramango ditu, eta iturrietara iritsiko den ura ez da edateko behar bezain egokia eta gardena izango.

Añarbeko Mankomunitatearen analisi bakteriologikoen emaitzak jakiteko, laginak hartzen direnetik gutxienez 24 ordu itxaron beharko da; horrenbestez, asteazkenara arte ez da jakingo ura erabil daitekeen edo ez.

Ura edateko moduan izan ondoren, komunikabideen bitartez jakinaraziko da. Hala ere, baliteke etxe batzuetara ura oraindik ere nahiko arre iristea komunitateareko ura berritu arte. Horregatik, Udaleko Osasun zerbitzuak aholkatzen du ura irteten uzteko arretasuna desagertu arte, eta, jarraitzen badu, 48 14 10 telefonora deitzeko.

Mons-eko depositu berrituak 400 milioi pezeta inguruko kostua izan du, eta Añarbeko Ur Mankomunitatearena da. Hiria urez hornitzeko ahalmena handituko du, eta ur horniduraren kalitatea hobetuko; gainera, behar denean, ur erreserba handiagoa izango da.